

摘藻堂四庫全書薈要

集部

欽定四庫全書薈要

集部

御製詩二集卷

三十九  
四十

詳校官原任編修臣徐立綱



欽定四庫全書薈要卷一萬三千三百六十六

集部

御製詩二集卷三十九

古今體九十三首

癸酉二

過盧溝橋

石梁黑水此鳴鞭前度迴思頓隔年西指

橋山程四日繫予心在嶺雲邊

驚蟄初臨凌汎過層冰浦溆積嵯峨俯欄識得渾流猛  
行水思量究若何

閔隄前歲歎行牆瓠子隨歌怒若傷

庚午春閔永定河隄知其每歲加高

河底淤填如以牆束水是夏  
渾水決溢因命改濬下口

南徙尾閼賴稍定亦惟茲

土慎修防

無定何如永定乎千秋疏治仰

神謨便將紆轡觀輸尾穡事民生總要圖

麥

雪足麥生早芊芊欲被塍迎人呈喜色先夏望豐登春

靄低將合晨霜潤稍凝兆佳雖慶慰惟日勵兢兢

良鄉行宮晚坐

又駐行時蹕蕭齋可意清去來時屢易今昔念交際習  
武遵

前蹟均勞驗衆情春雲傍晚重希澤為新耕

射

弁射由來國俗稱時巡閱衆每教仍左支右詘斯觀德  
貫札穿楊詎炫能所寶惟賢先正直其爭君子去驕矜  
行宮駐節遑耽逸

祖烈煌煌勉繼繩

即事

環村有曲水半壁雅堪稱

是處俗名半壁店

暖岸纔生芷新流

間帶冰石亭詩勒柱紙牖蠟明燈汲古消清夜行知我未能

微雨

春雲昨來濃問夜希無已珠點灑凌晨踊慮風威起谷寒欲變雪攢團散花蕊原曠就向陽勢絲作旋止三白

霑立春覩土膏猶美不雨尚無妨望澤更瞻企顧彼原  
田每良農待興耜異二汝勿遲好生天地理鳴條懶聽  
間饒愁未遑喜

拒馬河

春冰纔解水淙淙雨過遙源玉積峰一谷寒風送征轡  
得毋舉趾遲去聲三農

秋瀾村

憩宇築單椒行旌每停次村名喜不俗饒有林泉致花

勒南枝紅松留後凋翠書案故好在躬行審所為細雨  
飛廉纖藉叅秋水意

望大房山作歌

太行連延西南來千支萬派紛紆迴房山於此獨稱峻  
拔地秀擁金堂開盧水帶左拒馬右伏流不敢爭谿走  
我從長途直北望龍葱佳氣干牛斗梵宮琳宇棲嶽寄  
辟邪瓦埋行殿基春風萬樹花張錦憶昔金源全盛時  
半壁江山蹟始發海陵遷建實唐突至今修葺賸二陵



其餘荒草尋飄忽行將酹酒臨寢園昭德懷古予心存

聖人穹碑揭日月拱讀義盡休重論

本朝修復金太祖世宗陵聖祖

御製碑文以前者我師克取遼東故明惑於形家之說疑與本朝王氣相關天啟初拆毀金陵劉斷地脈又建關廟於其地為厭勝之術不思修德勤民而移咎於異代陵寢其舛謬實足貽譏千古云

### 夜雨

問夜頻稱雨踈行復密行襲帷風送冷隔牖土生香畿甸均霑否農田繫念常清宵聽刻漏不寐審何妨

### 曉行即景

寸雨纔欣稗麥滋行程農務兩相宜東皇列缺行新令

不使髯翁句擅奇

東坡詩云斯人何似似春雨歌舞農夫怨行路

土生香潤畝南東惜景常教駐玉驄淡靄依山雲縷散

一鞭曉日暖通紅

山生雲復擘雲開光幻離奇有是哉霧上高峯忽承照

金堂玉室定難猜

引水輸田曲抱原柳絲柔綠護柴門潤舍膏土無塵塼

似過江南水竹村

永慕齋

瞻謁宜質明預宿取近境

山陵已咫尺相隔纔一嶺於何覺宵長企望心餘耿歲  
月忽云賒

提命默堪省繼述愧仰鑽剛柔協寬猛皞熙致何有休  
惕慙衾影永慕詎在茲在茲慕益永

恭謁

泰陵

駒馳火改訝忽然間歲來瞻意倍懸痛仰

橋山猶自昔撫茲海宇念當前敬繩

謨烈百千世忽隔

音容十八年奠罷椒漿還復去祇餘心繫嶽雲邊

閒題

今來還昨去歷歷跡成陳易水無端渡燕山不斷春又  
將遲隔歲何以副終身迴望

橋陵遠怛然意莫伸

口號示直隸總督方觀承

去年蝗幸不為灾休恃曾需三白來  
斥鹵海濱多孽種  
預防莫待勅頻催

馬琬溪山深秀小幅

鏡水屏山小閣虛平陳棐几意如如  
有人借問還應愧  
未讀廿年以內書

暖

積雪在高峰白雲承其下宵雨夜達晨  
飛甘潤春野雨

後却宜晴暖旭烘村社我卜田事豐詎為山光冶行看  
柳眼舒遲待花心姤最喜沃塍間已有新耕者新耕播  
種纔膏潤良稱佳夏長而秋獲我思方悠哉

雁

冰泮信鳥知頭鷺翩已至垂風翔雲達和月宿沙際將  
謂傷其羣禮稱彼何事習武亦大經水圍行且試

白海青行

海東青育卵海之東旋風絕雲不辨故國踪戢羽少憩

叢林中乃遭弋獲囚樊籠海東青育卵海之東故為人  
得者皆已成禽其雛羅網曾不逢青其正色白其瑞千  
百之中一艱致何來雪羽炯殊睛奇毛詎止少為貴海  
東青鷲鳥類其性稜稜多秉義毳毼玉立獨馴良不與  
羣匹爭擊摯鷲鳥類海東青禽經何事初無名無名亦  
何害有名亦何榮不見蒼鶡取鵠為暖足或稱寶觀或  
稱薦福翻使淆訛增究之其事要屬乾闥城翰林子墨  
有無悠謬奚足徵

初遊雲居寺二十韻

明發事清遊，村烟淡靄浮。  
欲暄春旭麗，不冷曉風收。  
厯厯遵原陌，行行度野溝。  
杏舍紅見遠，柳怯綠疑偷。  
近識

花原未明看，枝已柔。  
問誰開謝墅，聞說是菟裘。

過一山村松竹

蕭洒問之為故尚書傅鼎別業

入谷蹊偏隘，尋達騎半留。  
村民瞻露冕

緹士漫鳴騶，恍到琉璃界。  
紛迎雲水儔，行營剛廿里。  
古寺閱千秋，碑字傳貞觀。  
蓮經悟比丘，莊嚴信希有。  
名象許詮不，瀟灑坐精舍。  
檐楹揭素幃，藉因休衆倦。  
便以縱



晴眸僧進伊蒲饌鶴彈梵喁喉此來探勝賞詎為訪禪  
修經洞猶雲表崕途有瀑流要憑窮一覽未便更他投  
曩者遙瞻企佳哉今取酬佛寧擅獨樂我祇勵先憂

遊雲居寺即景雜詠

香樹林

唐刻涅槃經成山為  
三吼因生香樹云

拈花微笑那傳心般涅槃成離去聲古今可惜閤黎多附

會未知大地是香林

概雲軒

雲居已據勝概雲最佳致疎軒納遠望躋陟得清寄流  
憩倚文榻屬詠託遐思籟聲泛金石塔影落空翠分付  
舍利光記予乃初至

石井

竹樹葱翠間峰腰滄玉乳山靈泉必靈名言傳自古抱  
珠守蒼龍雲氣時吞吐流為功德水香積悅法侶何當  
合膚寸徧作春郊雨

石經洞

隋僧靜琬  
藏經處

預慮昌黎論先為二酉藏義都無半滿世已閱隋唐局  
鑰真稱固法輪豈繫常擬方杜元凱猶覺欠周防

崖舫

空閣凌飛崖虛舟意彌在英英忽滿谷依稀泛雲海

聲輪洞

絕峭忽畝平牝洞依陽巘何年耆闍窟中閱三車典空  
色難為方喧寂信皆善大士坐如如萬劫法輪轉隨喜  
欣始遇於斯會不淺

見春亭

山崖有亭初無名忽見桃花始開因以名之

搏壁思少徐孤亭恰逢此騁望無端倪棲神冥議擬春  
從何方來踪跡無可指忽見桃始華輒以名亭子

曝經臺

土門通細逕絕頂憑陵高石經藏洞底將曝母乃勞天  
龍不禁笑安名慣爾曹

山桃花

花光如草色遙看近尚無慙題却見春待客欣相於負

陰抱陽巘暖律偏吹欹萋萋綻芳條蜂蝶環瓊株對之  
意邈然武陵了不殊

自東嶺取近跋馬至行營

高乃聽見亦取高東嶺鳥道分僧寮迴看來路固平直  
紆盤要當十里遼策馬搏壁下劣險控鞍何必耽逍遙  
細流往往出石激陰崖强半水未消近聞雞犬村不見  
茅棚薦地逢嶒嶸挖煤採石作生計嗟哉民瘼真無聊  
駐轡東嶺望西巘白雲一谷空迢迢行營卓午脩已至

車徒落後輿僮嘲大吏前謝未修治待爾修治曷若穩  
駕輕輿遨馬上得者未可馬上守非馬上守者又當毋  
忘馬上勞

行營

紆途非故道取便御行營背指莎題遠遙看馬耳迎

金陵

為九龍山其  
右即馬耳峯

帷居疑矮屋詩思掣長鯨一晌供新會春

宵暢好清

謁金太祖睿陵

開國金源肇自東一時攀附會雲風丕承肆伐追遼帝  
善任知人類沛公史策鴻猷傳赫弈睿陵佳氣閔龍菴  
建康前歲猶親奠况復龍興渤海同

過金世宗陵留句

牧擾樵侵不忍言重瞻牢樹鬱陵園

金世宗陵在房山近始命有司修建

享殿重加修葺

事殷不襲三分跡稱姪何殊一統尊君德已臻

小堯舜國風每溯舊根源愛民勤政心無數景仰高山  
志所存

詠古

滅遼負乘宋取哉一時邊釁童王胎城門閉始言路開  
淒涼五國輕忘懷渡江稱姪和議諧荆凡又見元明皆  
埋胔掩骼禮典該厭勝播置誠毒猜

聖人大義日月偕椒漿致奠今我纔完顏支族祭許陪  
聊同白馬有客來修葺略翦蒿與萊翁仲何有華表摧  
弔古不禁含清哀龍吟峪水白石堆開闢以來待劫灰  
賈島故里



聞說閬仙里依然在范陽不因逢吏部終是託空王幸  
有遺編在難尋宿草荒一家言自就僻瘦定何妨

月

踰弦輪漸滿隔樹影如涵元夕何妨過花朝又試探清  
詞起李嶠遐憶引何戡烟鬼三千界羣芳待夢酣

恭奉

皇太后閱水園是日

大安輿亦至涿州問安述事六韵

高年合顧豫懇止謁

橋陵迎奉

安輿駕欣舒色養承水禽羣集渚春淀早開冰趙北行  
將近燕南景尚仍舟圍排繞獵士氣鼓飛騰擬博

慈顏笑如川算益增

琴高池

古蹟是誰徵菁池乍泮水浮波見赤鯉想像箇人乘

涓彭術已就汗漫遊燕趙叶至今風浪聲猶作水仙操

# 打鴨行

涿州城北春水生  
涿州城南野鴨鳴  
鴨集水人打鴨  
我亦因為打鴨行  
打鴨非繳亦非羅  
臂鞬鴨鶻沿溪河  
放鶻旋空鴨避匿  
長竿毆出蘆叢多  
鷺鳥下擊纔一瞥  
水禽落魄腦背裂  
爛湘細膾固暢意  
腥風泣釜何由說  
我欲試觀淀池澳  
虞人致詞頗中去聲  
竅打鴨於河不於  
淀  
汪洋竿擊殊難到  
詭辨善避姑漫論  
尋思究亦弗觀  
妙鶻乎鶻乎爾胡  
不為牛不解捕鹿  
為珍羞禿蹄穿領

服田疇以生百穀無疆休

新城行宮晚坐

環水開行館因心便遠塵波光入窻澹草色護階新清  
夜誰何靜行檠書史親明朝啟前蹕供帳已嫌頻

題鄒一桂寫生

春華秋實萃成圖好尚惟人自會夫詎為攜來識山水  
如斯納善可教無

趙北口行宮疊前歲韻二首

迎隄欣麥好應節忘花妍

是日花朝

清蹕不須急行宮宛在

前座中一歲隔窗外半帆懸是我巡江國春流得句船  
天水相與永金波萬頃明載舟堪獨會鑒物入遙評今  
昔原無住漚泡底用驚依然空濶意最喜滌塵情

### 花朝

此日剛逢節前朝早見春

近在石經洞側見山桃因名其亭曰見春

綵旛漫

裝景唐卉已宜人薄靄輕籠柳微風不動蘋沼宮何所  
異香艷總無塵

安福艫

別館此停驂輕艫泊碧潭又茲來趙北曾與到江南泛  
景真無盡敲吟向所諳推蓬宜夕眺萬頃月波涵

淀池月

湖月江月向曾見淀池月乃今憑之江湖淀池自彼此  
由來一月無不宜仁者見仁智見智日新富有何窮期  
晚來瀉影需馮夷靜戢駭浪含輕漪金輪團團水潏潏  
佳節況值花朝時隔桃隄杏縱未放新蒲嫩芷爭參差

浮光幻景互隱現沙汀或露烟村移會波寫照仍一碧  
妙與娥娥為合離江月在流湖在渟  
前年詠湖月句此兼渟流  
真復奇

水園六首

山蒐水獵合兼修欽仰

仁皇緯武猷散布聯行皆合度鑿池底藉襲炎劉

淀池春水碧於藍鳬雁駕鵞鸞樂意湛集止固佳飛亦得  
要當臨取戒其貪

舟圍創舉合禽漁

水圍古無此制蓋我聖祖創為之

豈必三虞稽禮

書比似揚雄何太陋長楊枉自詡周陸

幘頭導中吾常笑懷鴨潛投彼底為

地方吏向有此風因嚴禁之我

有素心寧未悉於凡務實詎惟茲

春氣乍暄還乍冷羽禽時去亦時來空行正復何妨也

南史奚稱褚炫才

舟奉

慈寧春旭和綠蒲白芷漾新波環觀士卒皆鳬藻詎我



能因錫類多

放鯉

漁舟棹出叢蘆中老漁長跼竹籃把獻芹獻曝古有之  
吾儕所有惟魚也語質情殷禮不嫻斯民三代言非假  
跳籃撥刺意乞生去乙何用供烹鮓賜翁金錢令放魚  
持魚欲放還難捨校人反命驗當前悠然真得殊瀟灑  
進舟齊衆獵飛鳧笑思此復何為者

水村

屈曲沿沙渚高低見水村  
荻蘆編蟹斷舴艋繫蓬門  
雁賦無多子魚租育後昆  
依稀會稽路前歲景猶存

端村行宮即事

水軒纔數字亦可號行宮  
萬頃波無盡三春景莫窮  
柳隄條欲綠杏鵲蕾初紅

聖藻檐楣煥當年想像中

村喜稱端好吾應有句留  
人心將士習知嚮更何求  
未協唐虞化徒懷禹稷憂  
鄉民瞻露冕因悟水兮舟

麥

由來一水地

諺稱一水一麥  
每獲豐收云

每獲二甍秋灩灩齊團露

芊芊早被疇水沔那隱雉傍夏祇毆鷗更是無公賦輕  
租隨分投

白洋淀

瀦水畿南巨浸低曰宣曰受利耕犁一觀形勢浮輕舫  
久計修防賴偃隄甍社菱絲詎相讓天光波影總堪題  
籌民練士無非事詎止瑩鋒為鷁鷁

夕

停舟沙渚旁入夕水風涼我縱安深戶人多蔽薄裳耽  
書心不厭屬詠夜猶長開牖時閒看金波萬頃光

即事

五更問陰晴雲重報中人朦朧纔敲枕戶外雨聲聞須  
臾問雨勢又稱花霏銀雨佳雪氣寒踊慮傷麥根或云  
候已暖凝雲因水村慰言半疑信穡務殷農民晨行風  
雪兼擬使驅濃雲設雨慎莫驅巽二豈吾臣午餘復焚

絲濕潤香生塵憑窓眄廉纖水天景彌新詎為豁襟抱  
惟是籌耕耘瞥眼六時間一心愁喜紛

澹對軒

際渚開軒齊波光漾席几澹對舊我名重來景逾美春  
烟泮合間風漪遠近裏鳬雁下長空浮游隱蒲芷明志  
莫如斯悅心即在此

雨窓攬結

清晨風雪繼以雨維舟午憩止頓所開窓偶一眄蒼茫

颯景紛投訝爾許珠絲玉點難形容渚邊微雪含泥融  
便從浦口極遙目水天無際連空濛烟中乍覺低雲斂  
遠樹如薺溪路掩却憶前歲過嘉禾烟雨樓頭之所覽  
翦波忽見來孤舟風帆錯認榜人愁眼前勞逸各殊境  
無心證取惟沙鷗

春曉

春浹宿雨收侵曉雲猶重水風增料峭吹泮烟濛蒨進  
舟向前川面迎朝旭擁陽煖而陰寒知從益惕悚水鄉

亦事農潤含綠麥壠時節近清明  
未花花意動昨來慮  
跼蹐釋哉詩興涌

水圍旋蹕駐趙北口

四日行春淀舟圍習水虞每因瞻

祖烈長此奉

慈娛野景供詩句溪鄉總畫圖  
意宣得言返正用息  
徒

題鄒一桂雲居寺圖

近水閒居筆研攜

水園減從舟行從臣多留居  
趙北口者一桂亦在其內

興來慘

淡寫招提想因為我忘山景西峪雲居一再題

離合春烟隱現巒石泉飛處峽琴寒概雲軒裏看如畫  
今日翻從畫裏看

溪窻夕眺

春岸維舟駐渚宮水天閒凭夕窻中扁舟去者誰浮月  
破席冷然尚受風一縷長隄柳已綠數家野店杏將紅  
明朝整轡行遵陸意託烟波渺不窮



將取路霸州視永定河恭送

皇太后車駕還宮之作

水獵博

慈歡春池極暢觀又將遵甸陸為復閱桑乾簡衆清前  
蹕歸途奉

大安吉祥雲擁處直北帝都看

登陸

水蒐數日足怡情正務觀河此卜程饒是素心喜馬便

不無餘興謂舟輕蝸廬蟹舍行行背白叟黃童處處迎  
顧我幾曾恩遍逮憐他一例戴由誠

陰

小雨纔經宿春雲復作陰氣暄應斷雪澤潤尚希霖隴  
麥看方茁村烟漸欲深歌幽常切志望蜀又生心

羶廬

憩身便行止可意適暄寒儉矣原非陋居之常得安三  
春偏覺好十笏已為寬入夜清閒甚芸編歌案觀

過霸州

策馬經平曲春泥襯馬蹄  
土城無埤堦淀水下鳬鷺野  
景行逾遠雲容看復低  
防邊前代蹟徃徃尚堪稽

郊行即事

宿雲猶重曉烟輕  
策馬青郊得得行  
中酒村翁春社罷  
好乘潤土課新耕

睡醒纔聞霏細雨  
朝寒又見雪浮浮  
縱看無力霑泥化  
半為生欣半為愁

連朝霧雨潤農田最好風光傍禁烟絕勝昔年春例旱  
黃塵蔽路意忺然

駢肩疊跡覲光民老者尤憐命賜銀珍重有司善教養  
林林皆我意中人

夕

時雨時復雪終朝細細零入夕氣轉寒散漫霏六霽霑  
泥始猶化結片漸欲凝濡潤非不佳協時達勾萌情知  
霽景暄消融仍利耕所慮釀寒重傷麥意為忺猶憶昔

歲春望澤常慣經邇年獨何幸春膏資發生惟幸故益  
懼遙哉待西成患失切患得何怪常人情

乘舟觀永定河下口之作

夜雪忽已收朝霧未云斂策馬遵遙隄永定全勢覽下  
口欲其暢渾流利泛濫前者歎行牆一綫奚歸坎無已

籌下策讓地稍避險中處徙流移向南聽洶漸

乾隆十五年春

閱永定河以下口宜畧更移令其易於趨下且於流涸  
時密中泓引河而流民占居河中淤地者亦勸導徙就  
隄外年來次第脩舉下口益暢  
爰取道重閱脩已三載餘矣  
今來閱尾閘三歲驚荏

萬舍陸命進舟恬波春淦淦雖遜洪澤濶微山已不減  
蕩漾有餘地巨浸乃澄澹慰茲憂即茲積高車鑒儼補  
偏斯不無永逸則豈敢

隄上

有務不妨寒裏去無花漫道霧中看

是日霧

日高旋轡澄

霧翳近墅遙村入覽寬

新蒲嫩芷集駕鳬西淀畝來果信無聞道昔年行水獵  
每於近此放黃臚

渾流十里去隄遙灘地芊芊茁綠苗  
疏易尾問籌目下窮黎或得免漂搖

雪融膏潤麥含含馭娑春隄鏡影涵  
一夜跼蹐今慰念况看佳景似江南

沿隄行三十里觀永定河新移下口處兼示直隸  
總督方觀承永定河道白鍾山

舊時北岸今南岸近舊南隄今北隄

桑乾於康熙年間築隄之始原就南

雍正年以河身淤故改從北近又以河身漸淤改從冰  
害南出在兩河之間故康熙年之北隄為今南隄而雍

正年之南隄遷就向寬資蕩漾已看汎過積淤泥  
為今北隄矣

舊識黃河利不分挾沙東注向瀛潰渾流今有清流亘  
黃河全流入海其力較專至清口滙淮攻沙之力益勁  
永定下流不能獨行入海有運河鳳河橫亘於中因散  
入諸淀水過沙此策思量未易云  
溇故特易淤

新口疏通頗吸川安瀾自可保當前都來六十年三改

河自皇祖中年始築隄修防賜名永定六十年間已南北三徙長此經行正未然

給資撥地遷村墅讓水還聽一麥耕安土不難事姑息

那知深意訓盤庚





御製詩二集卷三十九

欽定四庫全書薈要卷一萬三千三百六十七

集部

御製詩二集卷四十

古今體九十六首

癸酉三

春郊

春郊朝雪化如酥潤麗風光特迴殊  
煙柳兩行背永定  
溪村幾處指東吳  
花將欲放偏宜看  
雁未全歸遠共呼  
緹騎漫教頻警蹕  
迎鑾黎庶滿前途

南鴈

平林入遙目輕輿歷廣甸南鵠曾舊經茲來又逢便墅  
店喜瀟灑杏桃未韶舊村民多種樹誰補索駝傳因思  
為政方更張率致患

行圍二首

春郊小試羽林羣黃纛中間兩翼分射兔忽看南苑近  
橫牆一帶接晴雲

紅門直北隱喬林質樸村忙悅我心申命馳驅須擇地  
恐防蹂躪麥抽鍼

闕虎騮

舊時所御良馬三今惟騮獨存老不勝馳驅命育  
之南苑園人牽以來馘前顧戀如不捨畜有若是  
信乎其稱良也以視食人之食而不知報者遠矣  
養老育林苑馳驅將廿年驚看來碩果寧忍被文韉  
萬騎今何在  
吉騮  
所謂三良馬也騮幸尚全銜恩邁良遇合號  
馬中仙

南紅門行宮晚坐

旋蹕臨南苑行宮憇息便庭軒信滿灑書史足周旋牕

紙今宵朗壁題前度懸治

平聲

平何所就睫眼又三年

不到

南苑者蓋

三年矣

### 射兔

春甸綠茵芊爰爰躍伏跼不無猶喜獵聊爾試抨弦獲

七寧須久

是日凡馳射七兔

中雙邨數連成詩吟馬上彷彿卅

年前

### 舊衙門行宮即事

別殿前頭書室連，修文曾記養痾旋。豈知近膝翻成背，  
朕待皇子等素嚴。從未假之辭色，惟庚午年皇長子養  
疾於此，每溫諭冀其痊，可父子之情較切，不謂遂成永  
訣。駐蹕思昔，尚冀承恩，竟永捐丙舍。長眠又隔，載離宮  
不禁黯然。

不到已三年，憑參幻夢清宵裏。一枕鐘聲古寺邊。

### 布穀

凌晨聞布穀，先日見春畊。篤篤寧無倦，邕邕最有情。  
土膏滋大地，時節近清明。愛爾關農務，還勝聽曉鶯。

### 蔭榆書屋作

書屋最怡情  
喬枝又向榮  
春光對今日  
煙意近清明  
綠蔭苔周砌  
白延月上楹  
卅年前偶憶  
箇裏一儒生

山桃花三首

山桃可喚北方梅  
每領羣芳報信來  
昨夜東風吹細雨  
倚牆早見數枝開

西峪亭前昨見春

近於石經山見山桃花因名其亭曰見春

郊原花事尚逡

巡  
含胎多為輕寒勒  
誰解催開羯鼓頻

杏桃先後北南異

北方桃先杏開南方杏先桃開

花史何嘗定論持未



免杏桃還暗笑千秋紀述率如斯

即事

春雲每作陰春膏常潤地春煙低遠村春風拂遊騎前  
夜小雨過桃花放初媚昨日復霏霏芳草含珠穗入夜  
有淪萋一犁冀明賜近年實多幸青郊利農事惟幸故  
望奢大沛始暢意

豐臺行

海子西紅門門外為豐臺溪村流水曲抱隈引水種樹

村民皆皇州百藝無不有豐臺花圃風流數南梅北杏

溫建蘭綠色牡丹大於斗牡丹花王芍藥婢好惡異宜

時尚爾豐臺芍藥勝牡丹花時狂走都人士北門學士

愛看花吳中瘦沈張南華

二人皆有  
豐臺詩

當年側帽遊日下

綺詞麗句爭芳葩清時韻事不可無曲江倡和詩酒徒

番風花信自依舊過者來者為誰乎驪鞭蹀馬春之半

萼萼纔含未爛漫亦不謬稱敦樸禁養花亦不逞欲珍

奇誇錦燦由來萬事隨民便

# 涼水

豐臺接涼水沮洳皆水鄉一隄十里遙洲渚帶兩旁春  
融積泥濘行旅頗有妨何不培使高役重多徬徨經過  
為籌策略得不費方因卑開水田既可種稻杭叶其土  
取益隄事半功倍償泉源近乎遙輸漑期久長行將命  
水衡規度周測量

## 即目

春靄溟濛地氣昇青郊潤澤徧田塍露秧煙柳連村屋

佳景江南一覽曾

景光物候肖東吳前歲隨來果信乎  
迴憶風霾向愁旱  
好春似此得曾無

迴蹕至

暢春園問

皇太后安

水蒐旋復閱河干趙北先期返

翠鑾今日行春諸務就歡欣重悉

寢門安

霞光齊放山桃蕊  
煙色全低陌柳枝  
底覺春和箇中早  
昔年靈囿此瑤池

春郊及月薄  
言還小雨輕  
煙邇日間潤澤  
土膏農事起  
前陳端可悅

慈顏

三月朔日清明

此日暮之春  
榆煙特地新  
恰開三月節  
好應百花晨  
細

雨真滋麥惠風不動蘋司勲有佳句繪景更傳神

春曉

昨夜雨霏絲曉來露瀼地春煙復輕泮初陽弄光霽所  
喜在農功餘興寄花事花事日以佳紅紫紛含葩含葩  
勝酣放奚待爛蒸霞晨氣清且淑浥潤吐幽馥亦如施  
嬌姿雲鬢麝朝沐蘸影臨芳津意與花俱新乃知春起  
早故是解事人

暮春之初恭迎

皇太后御園遊賞

時晴時雨識

天恩行樂宮中奉

壽萱綠水紅橋過輕舫農阡蠶舍具名園觴流內史微  
隣放馬射華林更覺喧何似承

歡申孝養歲華勝事重量論

王蒙破牕風雨圖即用其韻

顛風淒雨一間屋伏案低頭半夜檠高士當年讀書樂

至今佔畢尚聞聲

題仇英採芝圖

芻豢百年養芝朮千齡美課童  
斲雲根九華辨蒼紫精氣資坎  
離煉玉謝刀匕彷彿龐德公不  
然抱朴子

三月三日昆明湖中泛舟攬景之作

新蒲嫩茁昆明水淡日輕煙上  
巳天次第已教披奏牘逍遙便  
可放遊船剛欣宿雨滋塍畔又  
看重雲起嶺邊南淀飛來鳧雁  
滿笑予未免近生憐



自玉河放舟至玉泉山

玉泉山色望非遙  
溯水尋山盪畫橈  
花識清明齊放陌  
柳籠煙靄近低橋

玉帶橋邊耕織圖  
雲畊雨肖東吳每  
過便爾留清問  
為較尋常景趣殊

桂擢沿溪歷近村  
不逾時遂造泉源  
三春巖壑麗如許  
一室琴書靜可論

竹爐山房

謾謾山房松下風拾松煮茗竹爐紅水符底藉循環調  
火候還應文武通欲擬竈邊陶陸羽未須詩裏學盧仝  
品泉僧舍為清供前歲春光想像中

裂帛湖

乳竇迸石罅一泓清可品方塘匯匪寬中有長虹飲蹠  
步俯滄浪縠紋漾淦淦弄影花正開訝許天孫錦

玉泉迴樞仍至萬壽山

清蹕來遊日未中言旋恰喜半帆風名山最是三春好

別館由來一水通大略何妨觀了了餘閒未免趣忽忽  
開牕上下天光接興與煙波杳莫窮

綺望軒

山陰構踈軒一水迴環抱悅心仁智間縱目煙霞表  
麥疇及稻畦秋夕將春曉萬景紛來叅大塊富文藻偶來  
試憑臨興會殊不少今朝槩且置吾將事幽討

含韻齋玉蘭

文軒偶凭景殊常似入仙人白玉堂恠底此花稱木筆

竄能描出好春光

滿庭玉樹已酣春我偶初看便覺新了識女夷應暗笑  
對花不是得閒人

丰姿雅澹香清淨今日真為含韻齋却是三年未經詠  
流陰徒訝善推排

曉陰

曉陰含潤潯準擬雨復零雨過亦未久望蜀人常情無  
何顛風作吹散浮雲輕不雨信可待而我心怵怵怵怵

輒自問或我志滿盈聖狂一念分懼在所可矜何當尺  
澤均大利東郊耕

鳳凰墩放舟自長河進宮之作

鳳凰墩上鳳凰樓已似停舟此放舟四面波光動襟袖  
三山煙靄護壺洲滿川綠芷漪紋細隔岼青蕤露氣浮  
便是不饑真大藥底從期羨鼎中求

樂善園小憩

閒園依水次舟便一相過隔歲松篁別當春煙景和古

書結好友時鳥解清歌杜集相衡較南塘定若何

讀翟方進傳

孤童耻小史攜母旅京師努力績經學名節頗自持謙  
牧讓胡常藉甚名譽馳効免兩司隸風厲人共知胡乃  
右丞相託言漢舊儀御坐為起立在輿為下之太陽下  
同物仰照真乖宜薛宣誠掾史豈得謂無私其後果代  
宣公絜弗苟為求指濟深文好勝勇遂非疾惡固云直  
修怨寧匪熾長辜猶隱諱星變遂戚貽白馬賜上尊噉

泣亦已遲反復鴻隙陂童謠翟子威

夜雨

溫室清夢迴宮漏夜未央淅瀝聞枕上衾幘覺微涼昨  
夕淨纖雲我無其雨望問之果稱雨踈密作勢長前日  
風吹雲冀澤方徬徨春郊縱潤溽先憂繫我常霑瀟非  
所期慶慰遑敢康

雨後瀛臺即景

內朝視事各區分雨後餘閒意倍欣西苑行春因命駕

仙壺如沐轉氤氲

層樓延閣鏡光裏綠柳紅桃煙靄中不負好春是今歲  
可無佳句答東風

君鳬官雁戲文瀾  
唼藻依蒲自在歡  
等是淀池驚繳物  
笑他擇地得棲安

松篁深處潤沾衣也覺濃陰漸漸肥  
便放輕舟翦煙景  
密雲又作兩絲飛

再題蘇軾書金剛經



四句二乘大義兼福因漫擬窟中潛誦經食肉夫何礙  
饒舌重看宋景濂

太液池泛舟

翠鑾停柳岼遊龍盪蘭渚岸芳已薦綿渚禽亦容與作  
監念水舟對時思相輔御橋蟬螭橫團殿松杉古飛雨  
忽焚絲溟濛迷處所

賦得瓊島春陰

傑豎石幢標四字邇年真未負春陰已欣宿雨滋南畝

又見新雲幕遠林蒼蔚適於幽處合崦嵫每與望中深  
乘閒歇案觀墳典陶侃名言獲我心

董邦達蒼岬古樹卷

翠嶺攢巖訝倒懸蟠拏古榦互連拳是誰結屋嘉陰下  
雅合於中草太玄

張宗蒼靈巖山圖

春山入畫氣嶢嶢憶我前遊蹕暫停睫眼兩年成濶別  
印心萬嶂忽移形雲容便是出楹白松色寧殊入座青

阿邨錦帆涇畔屋詩人暢好占山林

謂沈德潛別業在山下

春曉即景

園芳含宿雨林翠帶浮陰  
豔裔殊難狀溪山漸與深  
春雲騁錦夢露氣馥檀心  
漸覺微陽上煙中散曉禽

即事

陣雨剛及寸邇來三日過  
繼以連朝風昨始得融和  
侵曉重春雲遠色低峰螺  
今年膏澤佳先秋卜書禾  
明知十日期未半希滂沱  
望蜀不惟人既得恒思多  
入夕未

霑澍畢景徒延俄

題鄒一桂花并卷

蘭

再芳早是傳荆楚九畹如何只舉春應為凜秋權讓菊  
一般氣味伴幽人

梅

鐵榦冰花蓓蕾紅墨勾不襲補之翁為文悟得同歸理  
喜語難工苦易工

杏

婀娜烘春千葉纖粧成世界是華嚴吳融詩句徐熙畫  
靜裏拈來數筆兼

貼梗海棠

迴異垂絲影動搖數花著榦見丰標不香亦自饒風韻  
金屋何妨貯阿嬌

長春花

淺深紅暈足精神婉婉韶光逐月新豈是女夷偏注意

故教四季總會春

山桃

剛欣芳蕊輝霞纈已看殘英貼水來  
點筆意遲聊靜會一枝似為我重開

梨花

綠雲鬟髻玉粧成雨後風前最有情  
却笑低頭簪帽者愛花翻汙此花清

紫蝴蝶

瓣似金萱色奪朱  
亭亭葉榦鬱相扶  
春駒飛入如尋侶  
名相風流了不殊

金盞花

小於玉笋大於錢  
好侑流霞玳瑁筵  
李白若逢應却置  
解醒卽及甕頭眠

石竹

此花亦被此君名  
嫋嫋裳裳且自榮  
世上寧無假君子  
底須卉裏太分明

夜雨

兩日濃雲作勢長一時入夕霏膏渥巡檐煙影漸渺濛  
遂落瀑聲圍我屋歌枕欲眠未忍眠稽事胸中頻往復  
北方春早有常諺每對風霾輒眉蹙舊歲已覺勝往歲  
今春更比昨春足邇來小雨繼以風踊愁稽澤心惶慙  
有渰始興未沛然延俄翹望勞雙目輕寒轉慮左近霑  
意謂礎潤仍虛卜此雨及時更意外來牟定可占多熟  
受寵若驚理固應我以訓人今自勗



萬壽寺

路便尋香域，雨餘方暮春。  
潤露林靄重，風定卉芳新。  
綠野含佳趣，青蓮示淨因。  
我非忘世者，未擬悟根塵。

樂善園

維舟憩沼園，尋徑得書屋。  
曉煙泮初霽，春林淨新沐。  
入牕嵐翠蒸，侵階花氣馥。  
翹心既以慰，樂志聊因淑。  
架上

有芸編，乘閒一披讀。

豐澤園演畊

畊耜前辰例演耜無非民事厯躬行仗排上苑春風麗  
土潤新犁時雨晴種佈從教付林監耒陳不必命農卿  
耕耜司農進耒耜佈種演耜則先陳耒耜以奉宸苑卿佈種蓋  
皇考定制遂為典故云

憲皇家法過周制肯播伊予敢懈誠

題瀛臺千尺雪

雨後瀑聲鼓舞石春深波影湧沉花竹鑪茗椀渾堪試  
內苑吳山本一家

暮春瀛臺

豐澤耕迴攬好春  
雨餘臺榭淨無塵  
先憂後樂常懷我  
八政九歌俱重民  
心觸清機親翰墨  
目遊潤景足精神  
快晴更為吾農喜  
播種羣將墾菑畝

春水泛舟

樓臺號瀛閬池沼即滄溟  
漾舟匪求仙愛此滄浪清  
垂柳含煙碧新蒲刺波青  
時有魚撥刺復聞鷗雁鳴  
與物適熙春吾寧不暢情

瀛臺即景禱賦

花光豔裔鳥聲諧雨後三春是處佳流覽竭然思靜憩  
澄懷堂裏一澄懷

湖山位置仿蓬瀛萬事由來有志成二典三謨明式在  
望洋徒歎竟何情

流杯亭是勝朝蹟從未臨流泛羽杯却擬吳中千尺雪  
三間茶舍倚松開

舊時書屋今宣席便與佳名號補桐每展芸編渾似昔

五絃翹首慕薰風

舊桐斲為四琴  
藏之書屋故云

題漪瀾堂

在瓊島之北麓略倣金山規制為之俯液池瞻穹  
塔覺水態雲容來參几席更不與江天別同異矣  
勝蹟遙思瓊島陰每因餘暇一登臨雲樓高下規浮玉  
春樹叅差吐鬱金出浪魚喁披錦縠入松風籟譜瑤琴  
漪瀾匪慕滄浪意舟水民情靜會心

王蒙修竹遠山圖

萬玉叢中一草亭歌崖流水帶沙汀此間合著幽人老

終日遙山蓄眼青

文伯仁秋江垂釣圖

不繫虛舟任所如絲綸欲下故徐徐一川秋水清何礙  
意釣原非為羨魚

讀尚書有會彙括為言

心傳允在辨危微敷政平章慎萬幾念彼有為兼有守  
所其無逸乃無違欽承祖訓惟時又顧畏民畧敢作威  
千古帝王師法具歛時錫極會而歸

恭祭

先農壇

露帷掃地秩宗昭躬祀惟殷

厚貺邀貽我嘉生陳俎豆繹如盛樂奏雲韶萬千後冀  
倉箱富十五先期風雨調咫尺崇田將舉耜一時心徧  
九州遙

耕藉禾詞三首

稽事谷如重古今耜田千畝此躬臨剛欣好雨滋春隴

又看輕雲佈曉陰

恒拒維縻列嘉種綵棚蕊牕備祥儀詎惟致美昭農典  
稼穡艱難貴克知

春郊妍潤景和暄歲習青箱及紺轅蓂麗未遑潘岳賦  
敬從惟憶號公言

承光殿

三推耕藉回塗順臨崇殿松枝輕靄低花色明霞綯儀

天名久消

承光殿元時名儀天今仍明舊

太液波猶見飛潛禽魚適暄



涼節候變鑒古惕有赫自強勵無倦

昆明湖上

湖上春深好漪瀾倍豔清花浮香錦繡樓隱畫蓬瀛鏡  
影涵虛牖虹光映綵楹偶來俯澄照緣慰望霖情

時雨時晴節今春似去年值庥恒惕若望稔益殷然鈎  
管興桑陌耰鉏治水田底須命采繪孟頻畫橫前

再題清可軒

倚壁構軒楹壁乃在堂廡望山恒於外而斯在裏許窪

棱繪變態濃淡無定所初祖應駐錫五丁漫運斧日月  
所不照雲霞難為補奇草四時芳今信非虛語

暮春靜宜園雜詠

鳴鞭乘興款巖扉已覺山容一載違却為山寒花發晚  
初來剛及賞芳菲

春霖優足心為慰却亦無多暢勝遊設使乘時亟行樂  
應乖不息勵先憂

嫩綠繁紅繪錦春此間宜與靜為因書齋竭展芸編讀

敬業惟應對古人

鶴

飲棲性適朗鳴陰園吏供梁向碧岑應署白衣學士號  
半雖廊廟半山林

碧雲寺

丹地翠雲間春山沐黛鬟肩輿出別業拾級叩禪關坐  
看天花落靜聞石激潺三間精舍在著我暫偷閒

登碧雲寺金剛塔

登塔必有天風來  
罕堵豈與封姨媒  
此中妙義今始悟  
為掃萬慮浮雲開  
世出世法若常住  
漢水亦應西北迴  
月為面鏡海置杯  
我心朗廓與之皆  
下視方方綠雲吉  
又我意中顒望纔

題試泉悅性山房

松門延意入雲牖  
縱睇遙河酌臨階  
取浮香就鼎澆峰  
姿濯宿雨林翠秀  
春朝甲乙何煩品  
怡情萬慮消

題唐寅幽泉修竹圖即用其韻

亭下逍遙靜者流，侍書童子任蓬頭。  
竹泉大意曾相倣，似處吾於不似求。  
近曾倣此為小幅故云

董邦達峩眉積雪

崦嵫三峰拔地奇，陰崖積雪渺無涯。  
是中應有高人出，玉局當年早占之。

即事

明朝為孟夏元日，立初春比似常年。  
勝數來九十旬雨，紅芳漸歇雲綠翠。  
增新祈歲欣調順，欽承勵敬寅。



御製詩二集卷四十

總校官庶吉士 臣侍 朝

校對官庶吉士 臣陳文樞

膳錄監生 臣魏綿曾

欽定四庫全書薈要

集部

御製詩二集卷四十一

二

詳校官原任編修臣徐立綱





欽定四庫全書薈要卷一萬三千三百六十八

集部

御製詩二集卷四十一

古今體一百九首

癸酉四

孟夏時享

太廟

鳳紀純乾月鸞韶清徵音

神功欽在昔

聖翼逮斯今濟濟宗潢列綿綿瓜瓞尋永思有所本爰

敬益殷心

賦得九歌揚政要疊舊作韻

重華紹帝德天覆海同涵咨儆籌教養脩和叙六三昔

吟惟誌仰

此題向日  
窗前作也

今法祇增慙攷砣猶瞠後遑言正

面南

題張宗蒼畫

四家法不較誰能老筆天然格韻勝便合人間稱畫伯  
只疑林下有歸僧構亭納得煙霞氣掃逕延來松竹朋

可識此中通學理諸凡要欲共年增

帝都篇

有序

帝都者唐虞以前都有地而名不著夏商以後始  
各有所稱如夏邑周京之類是也王畿乃四方之  
本居重馭輕當以形勢為要則伊古以來建都之  
地無如今之燕京矣然在德不在險則又鞏金甌  
之要道也故序大凡於篇

天下宜帝都者四其餘偏隘無足稱軒轅以前率荒略

至今涿鹿傳遺城豐鎬頗得據扼勢不均方貢洛乃營  
天中八達非四塞建康一塹何堪憑惟此冀方曰天府  
唐虞建極信可徵右擁太行左滄海南襟河濟北居庸  
叶會通帶內遼海外雲帆可轉東吳杭幅員本朝大無  
外丕基式廓連兩京北京順天府  
盛京奉天府我有嘉賓歲來集無  
煩控御聯歡情金湯百二要在德兢兢永勗其欽承

皇都篇

有序

皇都者據今都會而為言約形勢則若彼詳沿革

則若此蓋不如研京十年練都一紀鴻篇巨作纂  
組雕龍若夫文皇傳十首之吟賓王構一篇之藻  
節之中和固所景仰歸於睽遇亦用興懷俊逸清  
新古人蔑以加矣還淳返樸斯篇三致意焉

惟彼陶唐此冀方上應帝車曰開陽軒轅臺榭雖莫詳  
職方有幽無徐梁要之幅員長且廣

叶

山河襟帶具大

綱列國據此士馬強可以雄視諸南邦遼金以來始稱  
京

叶

閱今千年我天閭地靈信比長安長玉帛奔走來

梯航儲胥紅朽餘太倉天衢十二九軌容叶八旗居處  
按界疆朱樓甲第多侯王槐市陸海無不藏富乎盛矣  
日中央是予所懼心徬徨

雩祭齋居

甘膏霑暮春麥壠蓬蔥翠大田亦已播南畝無閒地比  
似向年間籌農心實慰常雩此致齋敢忘勤民事族雲  
傍晚濃希霖仍切意澤豈辭其優况乃逾旬既風勢漸  
刁騷又覺愁弗置

常雩行事於

祈年殿以是年鼎新

圜丘禮成敬述

辰見夏維孟常雩舉盛儀春畬深誌慶時澤更希垂

寶構方新煥

璿壇暫奉移祈年誠有素即事倍乾寅

首夏御園

裡祀次第舉法宮致虔齋歲事臨御園綠濃映樓臺韶

華荏苒去清和宛轉來階前木芍藥幾朶迎曦開嬾代  
不假借即景聊澄懷

浴佛日萬壽山作

早建精藍號報恩

大報恩延壽寺在山之陽為  
皇太后六旬大慶敬建

節傳浴

佛禮祇園無生安得有生日是法端知非法門花塢漸  
看紅意減林扉又覺綠陰繁昆明不異尼連水八德恒  
供兩足尊

自玉河泛舟至玉泉山



渚宮通一水泛覽乘餘閒兩岸畊織圖民務取次看新  
蠶已分箔初秧綠針攢林翠歲鳥聲啁噍復間關半月  
未命遊景光頃改觀浩劫浴佛日視此一指彈

題玉泉山羅漢洞

煙霞蔚峯腰松篁匝洞口如如應真輩洞裏乾坤守常  
教月印心不礙樹生肘每來尋故蹟是豈非昔有點綴  
一新之將毋著相否

即事

卓午欲作風少風繼以雨傍夕漸廉纖延望巡檐宇入  
夜亦就寢淅淅聽隔戶夢迴問中人云已晴久許愁餘  
慰不期慰餘愁益苦春膏消息佳祈農切懷緒

復雨

復雨無端旋復晴未霑安得釋予情了知十日期堪待  
為惜三春望已盈

題張宗蒼秋景畫

秋林策蹇過溪橋屏嶂猶濃翠可邀落葉打頭不須拂

簪花也擬傲青韶

書通鑑續編宋主答徐鉉事

藝祖志一統命師伐江南卑辭徐鉉來稱如事父嚴父子而兩家不可何待占緩師復遣求論辨徒詹詹榻側難容睡按劍叱何慙嫚罵如沛公創業多直談更能用曹彬禁暴恢海涵一時王業定太平引養恬時泰作廣義吹求致苛纖謂徐鉉辱君諛頌失太謙更為設若詞包茅問貢拈濶論名有無詭辨逞咄誦有如愛二毛宋

師無救殲辭費申臆見史義何曾探昌黎有定評責人  
詳已廉

遣興

午晴晚陰連三日時霏細點復一律麥收三月雨已占  
邇來恒患將得失族雲作勢風屯之問夜每愁星月出  
比似常年聊自解迴憶今春越勤恤際和曾未敢宴安  
望澤惟益增虔慄匪愁不雨兩不霑惠民自戒名鮮實  
恰如五指之更彈不若捲手之一掞

聞河南收麥誌慰

天中風土暖麥收常早時春膏向悉霑近况曾未知忽  
接方伯奏大慰懸望思入夏雨既佳豐秋定可期因恐  
賤傷農倉貯亦借資官糴籌補足賈湧即罷之居奇更  
預防擘畫皆合宜皇州春如豫邇來望雲霓數日雖可  
待一時難置懷<sup>叶</sup>愁中聊因慰慰遠愁近茲

宴西洋博爾都噶里雅國使臣

越紀一來庭條枝隔大漠度能遵禮典名未著山經勤

遠非吾事柔遐藉國靈指南漫須賜彼自解瞻星

版築圖

無論一藝未曾試且是三篇尚待陳效彼徵圖旋命相  
寧無浮議動今人

躬詣

黑龍潭祈雨

五日麥期迫十日禾期臨連塍雖遍綠益用愁予心乃  
知春澤佳猶資夏澤深不雨已彌月勃長羈秧鉞邇日

雲屢作每為風威侵細點何嗟及問夜憂披衾凌晨詣  
靈潭聊當禱桑林孜孜藉夙佑惕惕申今忱迴轡瞻杲  
杲首疾以呻吟

### 遣憂

先憂云有濟所貴憂則無無解憂益深憂先意實孤蘊  
隆象已見麥秋望幾虛猶冀獲半收終藉甘膏濡待雨  
刻不寧一日三秋如期麥翻惜時今昨迅須臾作詩聊  
遣憂憂豈易遣乎惟希尺澤霑惠我三農夫

御門日微雨

問夜非因答封事邇來盼澤惕衷情剛聞稀點如前日  
徒劇殷憂閱四更優渥詎能蘇麥黍慙惶何以對公卿  
一堂同切祁祁願辰告伊誰贊我誠

漫興

麥期十日惜如流細點頻霏尚未優更塵先憂慮禾黍  
那饒閒緒對蒲榴勅幾每慙去聲休徵致攬景還慵藻思  
抽言志聊因酬結習我非甫也近多愁



喜雨

四月三十日

欲獲猶慳意越忙中宵霧霑勢方長過時始沛寧云若  
徹夜無眠審不妨黍隴定知遍回槁麥疇還及乍抽芒  
敢因慶慰忘憂惕昭受心惟勵自強

蠲疾端稱醫世藥解愁真覺沃心田自憐幸爾消千慮  
了識如斯迅百年聊復逢欣開意蕊真教聽雨發言泉  
畿南近遠均霑否數漏聲中望又懸

題張宗蒼畫

雲氣幻峯青飛泉落碧冷不安高士榻留與世人聽

復陰

甘澤纔旁獲濃雲復下垂已深起枯感又切繼優思開  
牖凝睇遠摘毫得句遲自予試絜矩知足信其誰

詠古

西秦攻趙急求齊救斯須為質要長安割愛其忍諸唾  
面待朝臣強諫亦奚如觸龍願言見太后盛氣需謝病  
艱疾走顧乃徐步趨媿媿詢食飲不和色自無憐息請

黑衣亦愛少子乎得間遂進辯用愛非區區始言送燕  
后乃計久遠圖長安宜有託惑解為約車策士誠足奇  
趙后終非愚匪石設固拒口舌終難孚盡信不如無史  
然況其餘

端午日奉

皇太后觀競渡

宿雨初晴霽景鮮承

歡行慶答芳年惟欣愛日臨

任輦詎擬薰風入舜絃畫鷁飛波迅於鳥綵縵界道直

如弦遠人許預天中賞欲使重瀛盛事宣

是日西洋博爾都噶里雅

國使臣亦命  
入御園觀覽

### 仲夏萬壽山

彌月望甘雨心愁遊興踈今來佳節過幸值渥霑餘觸  
景足生趣湖山盡起予針芒刺早稻田葉點新葉林煦  
鶯遷木泥香燕賀居屬吟稍染翰亦欲悶懷紓

### 清可軒

蘿逕披芬馨林扉入翳蔚岩居夏長寒況經好雨既散  
花作靜供烹茶學幽事綠紗開我牖西山吐雲氣望雨  
如望蜀無厭寧自諱終是憂勞人永言意所寄

觸屏謠

牀下慢睡頭觸屏乃公敦誠胡不聽叩頭前謝道具曉  
大要教調無他營父子密語於暗室屬垣者誰曲盡情  
揚子善用彰父惡叙傳奚為亦致稱

即事三首

麥秋候宜晴謂是優霑耳其霑剛解旱究再雨為美邇日少覺燥雨亦數日矣我又生望心先憂固其理

莅政十八年年年愁水旱胡不致時若自問惟慙赧諱飾甚不可此心孚近遠籌補偏救弊曰下益上損

惟古之賢臣條奏水旱事今也不藉一吾勤咨已備兵戈亦幸無敢侈承平瑞恤農時惕心始終勵吾志

戲題小像

郎世寧畫像張宗蒼畫山水

松石流泉間陰森夏亦寒構思坐盤陀飄然衫帶寬能

者盡其技勞者趣此閒謂宜入圖畫匪慕竹皮冠

木假山六韻

既剝辭芳隸成章肖碧岑條枚原好在拱把漫重尋抱  
石標竒嶂生厓憶故林堪因悟名實誰與辨陶陰不遇  
盤根質安知君子心中山蜚藻翰理趣照來今

夜雨

五月  
十日

既渥思頻沛終然解我憂自

天叨貺厚入夜聽聲稠敢詡依旬瑞真消數日愁漏鐘

牕外送擬共號屏留

雨後泛舟由玉河至玉泉山

好雨頻霑心實慰進舟遂造玉泉山  
翠雲堂後撫雙枯  
不爾安能共爾閒

層峰如洗翠陰森雲館還成隔月臨  
過雨林花皆得意  
邠知望雨向時心

宴遊半刻旋清蹕林水牽情漫太頻  
纔覺憂紓慮心泰  
自憐合是鮮歡人



竹爐山房歌疊惠泉烹竹爐韻

山下出泉易所聞八功德品梵帙分同歸殊途何思慮  
辭多應始躁者羣知然乃復辨甲乙笑予未足稱絕塵  
前年攬景法雲寺無暇翻彼貝葉文右廊展轉入茶室  
古梅對我吹幽芬竹鼎小試烹玉乳騰聲四百年以陳  
畫圖詩詠萃四卷前呼後唱情彌敦倣製筠鑪忽已得  
底須較量傳火薪靈泉第一況在邇無勞水遞馳紛紛  
山房兩間取素樸土階茅茨匪所云彌月望雨未遊歷

雨足散悶一覽權

叶

綆汲聊爾事煮淪惠山清供宛意

存品題昔已略於近點綴今乃增其新增兮略兮胥遠  
道促旋清蹕延席珍促旋清蹕延席珍我豈高閒啜茗  
人

藻鑑堂

湖上構䟽軒湖色牕中濫虛明涵萬象名之曰藻鑑謀  
目對有本澄心看不厭掠珠燕頤頤吹穀魚喁喁秋夕  
月娟娟春朝風漱漱於水彼曾云於人吾方念

御門日作

勅幾貴不息日日勤政坐折本待綽宣御門時酌安園  
居即於此此例匪自我夏曉乃峭寒輕風拂青瑣袞袞  
來公卿魚魚咸右左同慰則不無同嘻曷其可

深籌庶事康永戒獨智慮終日不聞過聖賢之所懼膚  
言亦何益實政期有助小節謹其微大綱審其據爾尚  
勗冰兢我惟凜朽馭爾我共孜孜無可息肩處

題方琮山水卷

紅樹白雲疊巘蒼最幽竒處有書堂何人攜杖看輞水  
大似維摩華子岡

短歌行

貪者言廉亂者言治雖知其非不如一試血勇面赤神  
勇面白彼勝於此不如無迹責人也詳責己也廉既知  
之矣何用詹詹為臣不易為君實難匪今斯今自古已  
然

湯泉蓮花

暄波能煦嫗嘉植先時芳徽露欺南浦猗風入夏堂術  
無藉敷七節每艷端陽得地資菁苑作人興念長

題張宗蒼雪景

疊壁萬林蒼浮來素壁涼郭熙猶刻畫滕六欲軒昂罅  
處琳宮聳盤中鳥道長衝寒驢背客未審為閒忙

御湖泛月

桂宇散涼颼琳池澹朗照木蘭試浮弄冰鑑延虛眺望  
前魄早升夏仲暑遲到吟興殊未闌漏聲甲夜報適可

薄言旋秉燭詎宜毀

邇日

邇日頻頻接好音燕南齊晉徧甘霖  
已生慰後還生懼  
片刻奚當終歲心

取道長河進宮齋戒即目有懷點筆成什

協紀行將舉

北郊致齋清禁徹弦匏稍欣入目秋臨麥益勵因心藉  
用茅

陣雨剛逢盼後施  
迴青草木揔華滋  
進舟清曉憑煙景  
敢忘殷憂問夜時

雨好教晴亦不妨  
曉陰又冀作霖滂  
較量自是勤農意  
也覺年來意太忙

必告

慈寧曉問安  
延緣桂擢遡游瀾  
黍芄麥秀香風裏  
縹緲西池直北看

舟過萬壽寺未入

花宮枕清流催舟未留憇已是少閒人何必耽閒地

樂善園

柳岸維蘭舟沼園閱藻景林深鳥藏聲花繁蝶留影水  
木入畫幽琴書延趣永詎惟耳目新亦因機慮靜少坐  
便命駕寓意還堪省

仲夏瀛臺即景雜詠六首

黃頭艤棹待金鰲太液輕風送畫艘明日致齋遊未得  
好因路便事清遨



紅牆曲折鏡光開  
芝宇隄頭聳趐臺  
却笑劉郎虛費事  
遙從海上覓蓬萊

假山樹子近天然  
閱世於今四百年  
恰似雲中吠雞犬  
略因津逮亦成仙

入夏松篁森靜姿  
竹爐小試午風時  
三間靜室無多子  
何事頻來去每遲

步出松門又放舟  
蕉園鐘磬落聲幽  
橫從玉螭橋邊過  
白塔凌雲更舉頭

樓臺位置規浮玉為愛空明接水天壁上恰書江國詠  
一彈指頃向三年

鄒一桂清溪垂釣

蒲芷掩映間煙水澹沱處釣者本無機羣鷗為誰去  
董邦達浮嵐暖翠

句曲春煙泮浮嵐卒未收華陽肥遯處只欠三層樓  
張宗蒼秋林燕坐

著論擬樂志構園號離垢秋聲賦不得神託無何有

傳聞

傳聞南省春收好又報齊東待雨遲  
片刻憂欣渾莫定了知百歲祇如斯

夏至齋居

景短日長候分龍占兩朝剛欣五寸繼  
又隔一旬遙塵意依阡畝齋居守禁寮  
扶陽有明訓敢不惕於昭

夏至日

北郊

肅穆

澤壇方綈帷色正黃

明裡茲敬舉品物屆咸章曙氣滌暄鬱朝蟾駐素光年  
年躬祀事

厚德沐恩長

雜詩

代御不相藉義車騁炎景靈臺表正短北陸躔方永在  
易象金柅奉天驗陰靜恭已無始終敷政協寬猛依旬

雨未時惟萬幾堪省何莫非當憂中宵心恹恹

蜀葵

蜀葵名不一肩蓆皆其類豈似秋葵花正色無雜異秋  
葵知向陽堪以興忠摯蜀葵則安能隨方弄嬌媚亦被  
向陽稱彷彿名濫廁詩人貴耳食誰解董狐義青丘詠  
其白應緣別寄意承露固且可經寒恐弗易永念李絳  
言絳言巧拙為真今古同病因擬狄山刺山論張湯為詐忠

君子有所思

井眉黻文石轆轤引紃絲絲弱文石堅此理夫人知歲  
月展轉久絲痕石上遺匪施琢磨功縷縷深四圍新絲  
固無恙舊石艱補治乃知弱摧堅其危反難持蟻壤及  
綫溜君子有所思

拂拭青銅鏡欲以照醜美將鏡側置前見他不見已乃  
知明貴正苟偏明蔽耳鉤距有窮機尺捶無盡理君子  
有所思萬物備我矣

熱

祝融扇暄颺號屏輯時澤解作將半月繼沛懸望亟或  
云五月旱俗諺利收麥麥已失豐秋甘膏尚可惜禾黍  
正抽苗汜濩資霑尺延佇勞坐起煩歎侵几席林苑有  
如此閭閻越逼窄兩月三愁旱今番較尤劇調劑無良  
方咄咄復奚益

鄒一桂松菊圖

蒼官壽客結好友白石青莎依秀原廣羣芳中誰冠冕  
兩先生實貢丘園臨風聽擬濤湔俗裛露餐餘英雪煩

疑是歸來三徑日陶家高致喜猶存

六月朔日作

希膏方半尺稽澤又無旬月已夏云季雲將雷尚屯憫  
農愁壤槁問夜步檐巡黑蜨何時應如傷愧視民

清暉閣

廣厦軒房暑不侵墨林義府足探尋年來略識其中味  
饒有憂心鮮樂心

風



雲容欲結還風開何事南薰轉近隕應為邇年春太幸  
只今孤注送愁來

題韓滉田家風俗圖用舊題者韵

灌溉

綠苗秀欲齊穡事忙村莊時澤既未霑翻車引野塘  
炙背相勤劬誰趁午陰涼四民惟農苦哿矣豪富郎

收刈

穎粟有次第三時序匪卒奄觀逮銍艾豈復辭僂折既

以完官租亦將贖私褐贖褐云胡為聊藉禦冬月

登場

宛然覩高廩不諱豐年優多黍復多稌西陌將東疇餘  
三防後歲具四播今秋孰謂農有暇請看食未浮

持穗

顆粒附榦穗敲持要令脫耒聲互應答喜藉微風發  
手那辭勞震耳何嫌聒遺穗可供饗猶省拾櫛杜

簸揚

農事合家作  
乳子背衆前  
大姑待把穗  
簸出珠顆圓  
抱哺而併倨  
赴時彼何專  
惟是質有禮  
熙熙樂逢年

礮

初揚藉簸風  
再礮資石齒  
有如琢磨功  
斐然乃君子  
為倉欲潔好  
為廩欲高峙  
珍重語兒孫  
寧容輕視此

春碓

五羊未遇時  
身世輕一葉  
豈知功業成  
感深相杵荅  
既春亦既碓  
玉粒期甘滑  
猷彼機心轉  
寧吾胼足跼

簾

老翁坐風簷吐吐課細簾將以輸天庾筭三豈謂過粗  
牝詎狼戾得飽雞豚賀癡孫莫喚嫗嫗屏正酣卧

入倉

簾礫既備功嘉穀應登庾湫濕防黴浣高塏為廊廡我  
屬望甘霖愁心日旁午展此冀紓懷終風又彭怒

習字慢成

襄陽曾有言書紙十萬整散布在人間仍以娛老景持

出少年書欲換人不肯不識乏姿媚入道天然境英雄  
善欺人至今聲譽炳我亦屢更書惟因遣日永前後試  
校衡犁然不可並斯之未能信儒臣慢相請儒臣亦有以舊字不  
必換為言名手曰張愷技同運斤郢善去舊者蹟如空不留  
影問其質為誰冷金端本等惟宋紙可刮除金粟事必  
有其類藝苑新聞耿十萬不為少顛翁猶勤黽至今存  
幾紙愛書人可省

再詣

黑龍潭祈雨

稽膏又彌月申悃此重過筮詎辭三瀆事誠較六多慙  
心凜

天誠覲面冀

神和羞卜通靈蜴忍看欲槁禾預齋盼霽靈迴馭未滂  
沱莫聽真無術惟應喚奈何

夜雨

雲作望益切雲散愁弗置初零未敢信旋濃轉生畏片

刻緒萬端誰能高枕寐澹然乃大沛簷聲注不匱瞻天  
宇溟濛步砌苔漸漬庶淨蠲疾病更迴蘇苗穗所惜三  
寸纔未云一犁暨旱久利渥霖徹夜憂仍繼傍曙雲復  
生廉纖時作勢救急固差佳優霑始深慰

勤政殿對雨三首

宿雨凝雲曉復零問安今稍慰

慈寧傳餐甫畢臨勤政無逸重書敬揭屏

愁雨三凡喜雨三既優既渥此真甘臣工謾道予心慰

未抵予心致慰慙

欲喜還驚又近愉  
滿盈志敢蘊斯須  
分無後樂先憂有  
百歲如流例此乎

溪亭雨中即景

急點徐絲縱復橫  
披風襟袖颯然清  
底緣泚筆艱佳句  
邇日憂深意未平

水閣珠簾面面垂  
幾餘清切坐來宜  
高低楊柳舞無定  
舒卷煙雲態越奇



迴青禾黍綠鋪塍晏坐溪亭漲影增  
略有閒心攬煙景將無卽此忘兢兢

題張宗蒼雨景畫

千澗落飛瀑萬樹霏寒珠雨來風滿樓  
漲增橋接湖我因愁無聊漫命為此圖  
筆意信通靈甘澍旋霑濡畫壁龍飛去  
古有今豈無

雨後萬壽山八韻

彌月緣希澤愁深農苦辛今朝經大霈  
幾暇命遊巡適

以紓懷鬱果然入目新溪聲喧有漲峰色淨無塵晝為  
夏長靜天如雨後仁耕耘催亞旅草木長精神謂是忘  
憂地虞非克念隣山靈如藉問合喚箇中人

玉河泛舟至玉泉山

河水一川纔漲碧溪田兩岸總迴青老農額手都生慰  
邠識吾心尚未寧

玉泉未到又多時綠樹陰濃砌草蕤雨洗峰姿饒靜趣  
牕舍水態引清思

山房水裔復雲涯  
磁鉢筠鑪本一家  
何必盧仝太酣放  
每來消得幾杯茶

香岩室

岩棲聊趺片時閒  
妙得環中中更環  
棄日雅宜小年景  
構廬恰借嵌空山  
蟬如佛偈談非口  
香散天花笑破顏  
未免跼蹐動清戀  
白雲不共客人還

詩

黑龍潭謝雨

曉露鳴騶爽不炎迴蘇禾黍綠尖尖三朝翻覺難遲待  
一尺何期頓渥霑顧諟

帝臨心益惕曰酬

神佑禮遑淹怒如慰後饒清思萬景紛投觸緒拈

遊大覺寺三首

途便尋蘭若雨餘閱夏山不因逢愷澤安得寄幾閒禾  
坂從頭驗羅蹊信步攀去年題壁句恰似適吟還

隔樾鐘鳴裏上方覲面呈夏深寒柏色雨後壯泉聲巢

已非鳩拙僧如逼  
鷓清偶來滌塵慮  
誰解悟無生  
晴晦變峰色都來與畫  
宜泉誠琴筑耳我亦始終之  
少坐便還去  
明年又此時  
情知如幻事  
留詠定何為

泛月數謝惠連體

日盡西北天月出東海  
水湖光不礙白霞色  
仍餘紫懸華祝融寒委照  
冰夷喜沉浮萬狀奇  
分合一輪是一輪  
當舉頭薄言泛蘭舟  
在桴弓正滿開奩鏡  
欲流爭耀螢火微  
弄術周生偷點翰  
詠今夕屈指待新秋

恭奉

皇太后觀荷詞

望雨時

聖母憂予之憂雨既霑

聖母亦喜予之喜乃敢侍

輦稱慶用荅芳辰天下蒙庥孰非

慈訓之流惠也詩以言志短體二章

好雨均霑既渥優承

歡今始展眉頭蓮花萬朶葉千萬葉葉花花紀

歲籌

機上天孫錦樣紅納涼水殿暢薰風幾多彤管徽音著  
未擬勤民

此日同

御製詩二集卷四十一